

Täkarðe ta iktäb Buləs i- käl-Fəlibb

Äşajəş

1 A-wa Buləs d-Timoti, eklan n-Yisa* Älmasex,* hin-əktabnen i-e d t-illām eməşşeddəy n-Yisa Älmasex izzayān ayrəm wa n-Filəbb, nəktab-in day i-ärrabexān wi n-imännähäðān n-älkānisāt* d-imadhalān-nāsān. ²Nāhuul-kāwān-in, ikf'-iwān Mässināy-i n-Abba-nānāy d-Emäli Yisa Älmasex ännuymāt d-älxer.

Tämayit d-tedāwit n-Buləs dāy-isālan n-käl-Fəlibb

³E-d kāwān-dd-əktey-dāy, ad-dd-äqqələy yās tumayāy i-Mässināy dāy-təssəba-nāwān, ⁴e-d t-dälāy-dāy, ad-has-ājāy tamādilt-hawān täddewāt d-tedāwit ⁵fäl-a-s yur-aşāl-i-dāy d-kāwān-in-ässawäðāy isālan n-Älənžil* har näkk-da-dāy, kāwāneð a-s imadhalān-in wi n-tidət. ⁶Əkkasāy äşşäk a-s Mässināy-i kāwān-dd-intājān s-a-wa-dāy olāyān, ənta a kāwān-e-idhəlān s-amışəl-net s-sārho hundāy har aşāl-wa dd-e-iqqəl Yisa* Älmasex.* ⁷Inəzjam-in hawān-den-dāy, ənta-den-dāy day a-wa āniihājān ed wār kälā okāy aşāl s-wädden təjraw-ahi tenere-nāwān ed, āmaşal-wa hi-issäyläf Mässināy dāy-ännuymāt-net, oharāy-t dār-wān hārwa wār hey takārmut äzzāman wa d-xattābāy Älənžil, əknasāy fälla-s bārşey aşāl-i-dāy d-hey tişəm. ⁸Mässināy a äjjəyhān i-tārha ta mäqqārāt hawān-jey, tārha-nin day hawān, toolāh d-ta hawān-ija Yisa Älmasex. ⁹Tattārāy s-Mässināy, ad-timyar tārhanāwān, təhələm s-data, təjrəwām musnāt wa n-tidət, äddewān d-sārho ¹⁰i-ad-tudabem tábəðdāwt jer-a-wa olāyān d-a-wa läbasān, i-ad-tişdaqām, tumasām äddināt wār-iwer älyib, äqqalnen i-aşāl wa dd-e-iqqəl Älmasex. ¹¹Yisa Älmasex-en-dāy a kāwān-e-idhəlān i-ad-tumas tāmudre-nāwān, tāmudre dd-tirəwāt iqqud ed a-wen-dāy a āmoosān älxurmāt d-təmmal i-Mässināy.

Uşreyān n-a-wa s-iha Buləs takārmut

¹²Ayətma-γ, ārhey ad-təlməðām a-s a-wa səmmān hi-irmāsān, ehel n-s-data n-Älənžil* a dd-orāw dāy-ulhawān n-äddināt äjjootnen ¹³fäl-a-s, aşāl-i-dāy, jer-dāy-ehān n-āmānokāl wa mäqqārān wāla dāy-idäggan wi iyyäðnen diha-dāy, wār t-illa ere s-wädden issan a-s tişəm ti

hey, təssəba n-isəm wa n-Älmasex* a fäl tənät-hey. ¹⁴Təššəm n-ayətma dəy-əddin, təkkäs äššāk dəy-alkum i-Yisa ed hannäyän tišəm ti-hey, ikf-en a-wen-dəy hi-irmäsän taholät täynayät d-iba n-tasäja dəy-iji n-isälan n-Mässinäy. ¹⁵Tidət, äddinät iyyäd, erk ənniyät d-utär n-asəgdah n-iman dər-i a tən-ijän dəy-iji n-isälan n-Älmasex məšan, a-wen, wär hin-ikkes a-s äddinät iyyäd, ənniyät olayän a-s xatṭābän Älənžil. ¹⁶Wi əntäneḍ, ärhan a-wa hən, əjlayän dəy-s ed əssanən a-s Mässinäy a hi-äsnäfränən i-ad-sətbətäy i-äddinät tidət ta ämoos Älənžil. ¹⁷Wi tattärnen asəgdah n-iman-näsän dər-i dəy-iji n-isälan n-Älmasex, erk ənniyät wa n-əjrähät-ah'-in a äwwayän, ordan a-s a-wen-dəy a fäll-i dd-e-isiwəḍän təsəmmə d-erk əmmək wa hey dəy-tišəm-in.

¹⁸Ämära, ma iyšad a-wen? Jer-s-isoran wäla s-tidət, Älmasex, ad-titwəjin isälan-net i-äddinät. Ənta-den-dəy a-wa hi-äsidäwen, hak ašäl dəy timyar-dd tedawit-in ¹⁹ed əflasäy a-s a-wa hannäyäy dəy-älyizabät iket-net, i n-tänfo-nin. Əssanäy a-s, ad-dd-əzjāräy a-wen-dəy iket-net ed, təddaläm-ahi Mässinäy, idhal-ahi dəy Unfas n-Yisa Älmasex. ²⁰Əkney asəddärhən n-ad-äj a-wen-dəy ed, wär-əkkesäy äṭṭäma-net, a-wen-dəy a fäl, wär hi-äskärakäd iji n-isälan-net. A-wa ärhey dəy-Mässinäy a-s jer-ašäl-i-dəy wäla ašəkka, umaset derhan-in asəmyar n-isəm n-Yisa Älmasex dəy-tayəssa-nin jer-əddaräy wäla ämmuy ²¹fäl-a-s yur-i, Älmasex a-s tämudre-nin, tämoos-ahi tamättant täsonḍəṭ.

Ma ufän i-amumən jer-tamättant d-tämudre?

²²A hi-ikfa Mässinäy dəy-tayrəst-dəy, ad-əşyaläy a ih' älfäyda i-Yisa Älmasex, a-wen-dəy a fäl wär-əssenäy əndek a-wa he-sənnəfrənäy jer-tamättant d-tämudre; ²³äniməntäšäy jer-härätän-win-dəy n-əssin: itajjāš-ahi-dd derhan n-a-s uf-ahi, ad-əjmädäy äddunya, äkkäy diha t-illa Älmasex, ənta-den-dəy dəy a-wa ufän s-a äjjeen, ²⁴mäšan dəy hannäyäy a-s, dəy-təssəba-näwän, iššäm-ah'-in, äqqiimäy əddaräy edes-hawän. ²⁵Əkkasäy äššāk a-s ad-əkkəsäy härwa äzzäman jere-wän i-ad-təhələm s-data, timyar dəy tedawit n-immun-näwän. ²⁶Dihen, ašäl wa d-käwän-in mad-äqqələy, ad-hawän-umas ašäl n-tedawit s-dd-tässibäb tassayt-nänäy d-Yisa Älmasex fäl təssəba n-a-wa hi-ija.

Tämudre tämmittälät Älənžil

²⁷Təssəba n-a-wen a fäl, əṭṭəfät dat-äddinät tämudre tässitbätät alkum-näwän i-Älənžil* wa n-Älmasex;* jer-äqqaläy-käwän-in wäla, umaset a-s salläy a-s tətṭafäm Älənžil s-äşşahät, tətṭafäm iyyän n-ənniyät d-iiyän n-ulh, jam iyyän n-akənnas dəy-isälan n-immun s-Älənžil. ²⁸A ijän-dəy, wär käwän-särmaynet išənja-näwän s-wäla

a ənḑärrän. A-wa tamašalän a-s tasəṭbat n-əlhellak-näsän, a-s ija a-wen käwäneḑ, tämudre-näwän a salmadät s-əlyəllas wa käwän-ikfa Mässinäy, a-wen, Mässinäy a t-ijän. ²⁹ A-wen, janney-awän-t, i-ad-təssanäm a-s teyəre ta hanäy-dd-ija Mässinäy dāy-ännuymät-net s-Älmasex, ij'-anäy-tät-dd i-ad-sär-s namən, nənhəy day ayäna dāy-təssəba n-isəm-net, ³⁰ tahəram dār-i day käwäneḑ, anmäny wa s-hi-tənhäyäm hey-t, hey-t day har ašäl-i-dāy.

Tassayt d-asrəs n-iman jer-imumənän

2 Ämära, šāmad tinmədhilām jer-iman-näwän dāy-təssəba n-tassayt ta jām d-Älmasex,* šāmad tänimäṭṭäfām jer-iman-näwän dāy-tārha i-ad-täṭṭəfām iyyän n-emm s-tärna n-Unfas, adiš, nəmärhät jer-iman-näwän, tənmeḑinām tāhanint. ² Ämära d-jām tartit jat s-iiyän n-ulh, kunta tārham ad-hi-ijrəz a-wa häm, adiš, nəməṭṭəfāt jer-iman-näwän, tənmärhəm jer-iman-näwän, tumasām šund iyyän n-äwadəm, talāhām d-äddinät oharnen iyyän n-ittus. ³ Wār tājjät a dāy-wār kəttəwām ar iman wi-näwän, wār säjarät iman-näwän äddinät, änn-ak, särəsät iman-näwän, təjəm fāw äddinät wi iyyäḑnen jənnəj-wän. ⁴ Wār tošelām ɣas ɖarät tənfa n-iman-näwän, änn-ak, immäyet hak iyyän dāy-wän i-a-wa he infun tamətte iket-net.

Älmital n-asrəs n-iman wa dd-oyya Älmasex

⁵ Tälälät ənniyät wa fäll-igla ɣisa Älmasex, təgləm fälla-s käwäneḑ-dāy.

⁶ Ənta, a-wa ämoos Mässinäy, ämoos-t iket-net māšan, wār-itter ad-has-tumas tumast n-Mässinäy mältay dāy-äkkermämmäy i-ad-isigdäh iman-net d-Mässinäy s-äššil,

⁷ änn-ak, oyyä a-wen-dāy iket-net, ijä-dd iman-net akli, oläh-dd d-dägg-adəm i-ad-där-sän aläh härät iket-net.

⁸ Äsräs iman-net i-ad-ämašäl erhet n-Mässinäy, irḑa s-tamättant, tamättant ta səmmät n-tajəttewt.

⁹ Təssəba n-a-wen-dāy ämešäl, a fäl t-iḑkäl Mässinäy jənnəj-härät iket-net, ikf'-e isəm t-illan jənnəj-ismawän iket-näsän.

¹⁰ A-wen, ij'-e Mässinäy dāy-təssəba n-a-s ed ätwäyra isəm wa n-ɣisa, ad-data-s irkäy a-wa ihän išənnawän d-a-wa ihän äkall d-a-wa t-illän daw-äkall, iybəd-t;

¹¹ ǎjǵayhən ǎddināt iket-dǵy-nǵsǵn,
a-s Yisa ǎlmasex, a-s Emǎli;
itwəsəmyār s-a-wen-dǵy isəm wa n-Abba Mǎssinǵy.

Akuyəd d-amišəl n-erhet n-Mǎssinǵy

¹² Ayətma, kǵwǵneǵ-i ǵkney tǵrha, mašǵlāt mǵjrǵd n-Mǎssinǵy, sǵxdəmǵm ǵlǵəllas wa kǵwǵn-ikfa Mǎssinǵy dǵy-tuksəǵa-net d-asəmyar-net. A-wen ǵjǵt-t jer-ǵlley-t jere-wǵn bǵršey ašǵl-i-dǵy d-wǵr yur-wǵn t-ǵlley, ǵjləyāt dǵy hullan dǵy-a-wen-dǵy ed ¹³ Mǎssinǵy iman-net i sǵr-wǵn dd-orǵwǵn tǵrha d-tǵdabit n-iji n-a-wen a kǵwǵn-e-idhəlǵn i-ad-tudabem amišəl n-erhet-net.

¹⁴ A tǵjjǵm-dǵy, ǵjǵt-t wǵla abjənjən, wǵla tekenzart. ¹⁵ Wǵr kǵwǵn-itəggaret udlem wǵl' iyyǵn, išdǵjǵt, umasāt aratǵn n-Mǎssinǵy wǵr-iwer ǵlyib wǵl' iyyǵn kud-dǵy tǵzzayǵm jer-ǵzzurəyāt tǵfrayāt, tǵnimǵšrǵyāt i-Mǎssinǵy. Umasāt i-ǵddināt šund ǵnnur ǵmilǵwǵlǵwǵn dǵy-tihay s-əmmək-wa-dǵy s-ǵsimǵymǵyǵn etran dǵy-išənnawǵn. ¹⁶ ǵjǵt-asǵn isǵlan n-ǎlənžil*-i tǵtǵǵǵm ihǵkkǵn tǵmudre, dihen, afǵl ašǵl-wa dd-iqqǵl ǎlmasex,* ad-hi-umas alkum-nǵwǵn-has tǵsonǵdǵt tǵssiitbǵtāt a-s wǵr-ǵxdemǵy, wǵr-ənhəyǵy aǵǵna bǵnnan.

¹⁷ Təssəba n-a-wen a fǵl wǵr hi-issǵrmǵy fǵw ad-inyǵl ašni-nin, ǵmmǵtǵy fǵw, umasǵy šund takute tǵwwəǵdāt fǵll-immun-nǵwǵn s-Mǎssinǵy. Ǵddiwey, oharǵy dǵr-wǵn dǵy tedǵwit-ten-dǵy. ¹⁸ A-wen-dǵy a fǵl dǵwǵtāt i-ad-dǵr-wǵn ahǵrǵy nǵkk-dǵy tedǵwit ta jǵm.

Imadhalǵn n-Buləs: Timoti d-Ibbafǵrodit

¹⁹ Kunta otǵs Emǎli Yisa* s-a-wen, diha-dǵy s-a əndǵrrǵn, jarǵy ǵtǵǵama n-ad-sǵr-wǵn-in-šəmmišəly Timoti i-ad-hanǵy-dd-ǵj isǵlan-nǵwǵn, ismaǵd ulh-in. ²⁰ Ǵnta-en-dǵy ǵas a dǵr-i oharǵn ǵddǵgǵzāt wa jey fǵlla-wǵn, wǵr yur-i t-illa dǵy ere sǵl ənta. ²¹ A-wa iyyǵǵǵn dǵy-ǵddināt, əššǵyǵlǵn n-iman-nǵsǵn ǵas a dǵy-ošǵlan wǵdden dǵy-wi n-Yisa ǎlmasex.* ²² Dǵy-a-wa dd-iqqǵlǵn Timoti, tǵssanǵm kǵwǵneǵ iman-nǵwǵn a-s ǵnaxdim s-tidət a ǵmoos; ikf' iman-net hullan i-iji n-isǵlan n-ǎlənžil,* nǵmoos nǵkk d-ənta šund abba d-rure-s. ²³ Ǵnta-en-dǵy a-s jarǵy ǵtǵǵama n-ad-t-in-šəmmišəly sǵr-wǵn, afǵl əlmǵdǵy a-wa dǵy-i-dd-e-išrəyǵn. ²⁴ Ǵkkasǵy əššǵk a-s kunta otas Emǎli a-wen-dǵy, wǵr-e əhǵjǵy wǵr kǵwǵn-in-osey nǵkk iman-in. ²⁵ Mǵšan, iket-di d-itǵjj a-wen, əšimašǵlǵy-in sǵr-wǵn Ibbafǵrodit wa n-ǵŋǵa-y dǵy-ǵddin dǵr-oharǵy ǵlxidmǵt i-Yisa. Wǵr t-illa anmǵny ǵjǵjašǵy dǵy-iji n-isǵlan n-ǎlənžil s-wǵdden ǵnmǵjǵjaš-t dǵr-i, ənta-en-dǵy a sǵr-i dd-tǵšmašǵlǵm, ǵwway-ahi tirjət-nǵwǵn. ²⁶ Naqq'-e tenere-nǵwǵn. Ikm'-e mǵsǵllāt wa jǵm n-a-s ǵrhin hullan.

²⁷Tidət-däy a-s ärhin har ābas t-norda tāmudre māšan, oḍān-as Māssināy tāhanint, oḍān-ahi-tāt nākk-däy i-ad-wār fäll-i dd-tiwwad tisanant tojārāt ta hi-tārmasāt āmāra-däy. ²⁸A-wen-däy a fäl t-in-āsrarādäy sār-wān i-ad-t-taləsām ahānay, tāddāwem, təfnəz fäll-i tisanant nākk-däy. ²⁹Səbbārrəkāt-t afäl kāwān-in-iqqāl, təjəm-as day asəbbārrək wa dār-ānihājja ere ila Emāli ed āddināt šund-win-däy a ānihājjanen d-ad-tān-səmyārām. ³⁰Ənta-en-däy a däy-hawān-āssewālāy, ənney-awān, dāroy hin-āssijjā a-wa-däy has-ija ālxidmāt i-Ālmasex. Iglā har ijā iman-net däy-miši, ij’-ahi däy-idāggan-nāwān a-wa s-ānihājja a-s kāwāneḍ a hi-t-ijān ənnār t-təllam edes-hahi.

Iqqud wa s-ānihājja ittāf-t āwadəm ilkamān i-Ālmasex

3 Ḍarāt-a-wen, ayətma-y, səddəwətet-kāwān tassayt ta jān d-Emāli. Wār hi-ikma ad-hawān-sənniləsāy mājrād wa s-āru d-hawān-in-əktābāy däy-isālan-net. Tānfo-nāwān a ihan a-wen i-ad-tayəḍām. ²Agəzāt iman-nāwān däy-erk inaxdimān, olāhān yas d-iyyəḍan ənsaynen, agəzāt iman-nāwān däy-sān; agəzāt iman-nāwān däy-erk āddināt-win-däy yur-ija s-bahu a-s amili a itajjān āwadəm däy-tamətte n-Māssināy. ³Ənhəywāt! Nākkāneḍ-i-däy a-s āddināt wi jānen amili wa n-tidət s-ənta Māssināy a-s əssəbab-net, nəyabbād-t s-tārna n-Unfas, abāraj-nānāy Yisa* Ālmasex* wādden fārəḍān wāla ālyadatān āssiibdādān dāgg-adəm. ⁴Ənnār t-illa ere āddooben ad-isəffullət iman-net fäll-fārəḍān wāla ālyadatān āssiibdādān dāgg-adəm, adiš nākk a he-izarān s-əlyəllas. Lāyātāt-ahi yas ere hi-ojārān däy-isālan-win-däy? ⁵Nākk, āmelāyāy ašāl wa s-əttam ḍarāt tiwit-in, āgg-Işrayil wa n-tidət a āmoosāy, la-hi tawset ta n-Bānyamin, āmoosāy Yābrani orawān Yābranitān. Däy-a-wa āmoosān alāmār wa n-ānnābi Mosa, kāla hey taggayt ta n-kāl-faris;* ⁶wār t-illa ere hi-ojārān əjjəluyəṭ wāla akfor, āqquzzābey ālkānisāt;* däy-isālan n-a-wa ifrəḍ alāmār fäll-āgg-adəm d-iqqud-has, wār t-illa uḍlem hi-iwarān.

Yisa a ha tānfo

⁷Āmāra, hārātān-win-däy jey ibda abāraj, ābas dat-i əzlayān d-a wārān infa hārāt däy-təssəba n-Ālmasex,* ⁸əgley fāw har ašāl-i-däy, ija yur-i a-s wār t-illa a hi-infan s-hārāt fäl təssəba n-azəzār-i jey i-muzəyāt wa jey i-Yisa* Ālmasex-i n-Emāli-nin, uḥ’-ahi muzəyāt-net hārāt iket-net. Təssəba n-a-wen-däy a fäl āsserādäy ifassān-in däy-a-wa-däy s-kāla hi-āmoos abāraj iket-net, ābas sār-i izlay d-ānnikal ed wār t-illa a ārhey ar ad-təntəm tāmudre ta n-Ālmasex däy-ta-nin, ⁹āqqaymāy day osayāy dār-s hak ašāl, āttājrāwəyət āsifāllāy iqqud-in fäll-alkum-has ənta uhən iqqud i-alkum i-a-wa innā alāmār

ed yur-Mässināy, wār t-illa iqqud ilan idəm data-s sāl wa ihākk immun s-Ālmasex.

¹⁰Wār t-illa a āsidārhanāy a sāl muzəyāt-net ənta, āknāy day muzəyāt n-tārna ta t-dd-təssənkārāt jer-inəmmuttan, āhərāy dār-s tersəmmawen ti inhāy, alāhāy dār-s taməttant ta ija ¹¹ed a ijān-dāy, jarāy āttāma n-ad-dd-aləsāy nākk-dāy tanākra jer-inəmmuttan, əjrəwāy tāmudre ta tāynayāt.

Alkum i-Yisa har təmdəw əddunya

¹²A-wen janney-awān-t wādden i n-a-s innin əssəmdāy azzal wa hey, mey day i n-a-s innin āsisəgdāhāy dāy-hārāt iket-net; ābo! Ānn-ak, diha t-əlley, osasāy hullan dāy-azzal-wen-dāy i-ad-əjrəwāy marušāt wa hi-itwār Mässināy ed nākk, ijrāw-ahi Yisa* Ālmasex.* ¹³Ayətma-γ, wār-ordey hārwa a-s nākk-i-dāy, hārātān-win-dāy, āzizābbey-tān māšan, hārāt iyyān γas a iwwayān inəzjam-in: əkfey ārori-nin i-a-wa s-kāla hi-išla ibda iket-net, wār t-illa a dāy-ədgažāy ar a-wa t-illān dat-i. ¹⁴A-wen-dāy a fāl əjlayāy hullan dāy-a-wa hi-išlān i-ad-əjrəwāy marušāt wa hanāy-itwār Mässināy dāy-išənnawān s-hanāy-ija Mässināy ārkāwāl-net dāy-idəm n-Yisa Ālmasex.

¹⁵Āmāra, nākkāneḍ-i āmoosnen meddən əmdanen dāy-isālan wi n-immun s-Mässināy, nəttəfet ālxal-wen-dāy hak ašāl, kunta day təll'e talγa tāmiišākkem, ədələt Mässināy i-ad-arr tiṭṭawen-nāwān dāy-isālan-win-dāy. ¹⁶Hakd a-wen-dāy, a ijān-dāy, šāmad nārmās tabarāt-ten-dāy toγādāt, adiš nəjləyet dāy-s, nəmsidəyet dāy-tekle-nānāy.

Ālmital wa dd-oyya Buləs

¹⁷Ayətma-γ, tālālāt tāmudre ta əttāfāy, səjrāhām day tāmudre n-meddən-wi əlkāmnen i-ālmital wa tān-nəkfā, tālālām-tān əntāneḍ-dāy.

Išənja n-Ālmasex

¹⁸Ellan-t əddināt əjjootnen wāren əja taməttant ta ija Ālmasex fäll-tajəttewt hārāt. Əddināt-en, āru d-kāwān-āsmātārāy i-ad-hasān-təjəm ənniyāt, ārheey day āmāra ad-kāwān-aləsāy ayātal fälla-sān. Āsninān iman-in a-s hawān-janney a-wa-dāy. ¹⁹Ilkam dāy-sān erk əjilal, əšlāyān i-Mässināy, ənnāhāḍnāt dāy-sān tisatten-nāsān. A-wa s-kāla ināqq, ābas tān-āsikārakāḍ, jān-t abāraj; wār-əlkemān inəzjam-nāsān ar i-a-wa fäll-təgl' əddunya.

Ākall-nānāy wa āynayān

²⁰Win-əddināt, wār dār-sān noleh ed nākkāneḍ, ākall-nānāy wa āynayān, išənnawān a iha. Išənnawān-en-dāy a-s ilkam ad-hanāy-

tän-dd ifəl Emäli Yisa* Älmasex*-i n-Ämaylas-nänäy. ²¹Enta a iha ättäma-nänäy ed afäl dd-iqqäl, ad-fälla-näy-in-ikkəs tayəssa-ta-däy tärna tamättant, äkf'-anäy tiyyät täynayät lat älxurmät šund ta-net ed ila tärna s-innähäḍ däy-härät iket-net.

Isəmməterän wi ija Buləs i-käl-Felibb

4 Ayətma-γ-i əkney tärha, naqq'-ahi tenere-nāwān ed tedāwit-in d-abāraj-in a təmoosām; ayətma-i əkney tärha, äknät uḍəf n-Emäli.

²Iwəḍya d-Sintəkyā-i n-šātma-näy, əttaräy däy-snät ad-əjənät älxer jer-iman-nāsnät, əttəfnət iyyān n-ənniyät däy-alkum-nāsnät i-Emäli. ³Käyy ḍay-i n-āmaydal wa n-tidət däy-älxidmət-wa nohār, səlyən-tānät Iblis, tilalād-asnät i-ad-ənməzəlnät. A-wa tiḍeḍen hi-ədhälnen hullan hullan däy-iji n-isālan n-Älənžil,* əntānəteḍ d-Klima d-äyətma wi iyyāḍnen dār-änniixdāmāy, itbat a-s əktabān ismawān-nāsān däy-əlkənnāš wa-däy əktābān ismawān n-äddinät wi əkkānen älzānnät.

⁴Ayətma-γ, dāwātāt hārkuk däy-Emäli; a-wen, oläsäy-t tənna, ənney-awān: dāwātāt hārkuk.

⁵Əlməḍnet äddinät iket-däy-nāsān s-tāzude-nāwān ed Emäli ya, os'-iwān fāw. ⁶Wār kāwān-itāšāwwāšet hārät wāl' iyyān, a-s tāmyatārām-däy, tālläyem-t i-Mässināy s-tamādilt d-tittar əjlaynen äddewnen d-tāmayit; ⁷afäl jām a-wen, ad-āj Mässināy älxer däy-ulhawān-nāwān, əj'-asān igguḍ ojarān a-wa s-äddobāt ənniyät n-əgg-adəm ad-t-dd-awəy, asäy ulhawān-nāwān d-ənniyät-nāwān d-Yisa* Älmasex.*

⁸Darāt-a-wen ḍay, ayətma-γ, a-wa ädduutten, a-wa ilān təmmal, a-wa oyādān, a-wa šāddijān, a-wa āmoosān isəssārha d-izəjraz d-a-wa ilān tənna d-a-wa ilān älxal olayān d-təmmal, əntāneḍ-den-däy hārätān wi s-āniihājja a-s jam-asān edəgg däy-ulhawān-nāwān. ⁹Mašālāt a-wa kāwān-əssāyräy d-a-wa tənḥäyām fäll-i d-a-wa s-hi-təslām har t-ənney d-a-wa jey iket-net. Afäl jām a-wen, ad-kāwān-idhəl Mässināy, äkf'-iwān älxer.

Tāmayit ta ija Buləs i-käl-Felibb

¹⁰Wār t-ih' äššāk a-wen, äddiwen iman-in hullan däy-Emäli däy-təssəba n-əmmək wa s-hi-dd-təktām, təssəlmāḍām-ahi a-s wār hin-jerām. Əssanāy a-s əru d-täsdārḥānām iji n-a-wen, ānn-ak, äddābara-net ɣas a wār təjrewām. ¹¹A-wen janney-awān-t wādden i n-a-s innin āmiyatāräy s-hārät, diha t-əlleḡ, əzzayäy ad-əjāy ārramāt däy-a-wa ley däy-talyiwen iket-däy-nāsnät. ¹²Wār t-illa a-s wādden onanāy-as, jer-əlläqu wāla terše n-ehäre. Wār t-təlla talya s-wādden ənhayäy-tāt,

jer-tewwant wälä laz, wär sär-i təzley terše d-iba-net. ¹³Wär t-təlla tanfust s-wädden, əštäfäy-dd dəy-s iman-in dəy-təssəba n-tärna ta hi-ikfa Älmasex. ¹⁴Mäšan, hakd a-wen-dəy, a-wen, wär hin-ikkes a-s iräš-awän Mässinäy tadhəlt ta hi-jäm fäll-i təfnəzät timyutar.

¹⁵Ya ayətma-y wi əzzäynen ayrəm wa n-Fəlibb, təssanäm kəwāned iman-nəwän a-s, a-s əssəntäy iji n-isälan n-Älənžil,* äzzāman wa dd-fäläy teje ta n-Masidunya, a-wa-dəy säl älkänisät* ta-nəwän, wär t-təlla älkänisät dər-wän tolähät anufli dəy-a-wa säyrey, wär t-təlla dəy ti hi-tədhälät s-əmmək wa s-hi-tədhäläm kəwāned. ¹⁶A-wen, kəwāned yas a t-ijän ed härwa hey ayrəm wa n-Täslonika, har əssin ihändäggan tirəjem-ahi a-s əkkäsäy timyutar-in. ¹⁷Wädden ihuk-nəwän a dərät oşaläy, änn-ak, derhan a tattäräy n-ad-ijātän imärkedän-nəwän ed ilkam, ad-təjrəwäm imraş-näsän yur-Mässinäy. ¹⁸Əlmədät a-s a-wa hi-dd-tässawäyäm, əjräwäy-t iket-dəy-net. A ija Ibbafärodit a-wa hi-dd-tässawäyäm dəy-ifassän-in-dəy, wär t-illa fäw a fäll-in äba wälä a hin-ođanäy. Ämoos dat-i a-wa jām a olähän d-ađutän n-nefran isihəwhəw əwadəm. Tirjit-nəwän-hahi, tooläh d-takute lat idəm dat-Mässinäy, irđa sär-s, təjraz-as. ¹⁹Mässi-y, Mässinäy, wär t-illa a-s wädden ittəf-t, ənta-en-dəy a kəwän-e-ikkəsän dəy-e d t-təlläm tāmäyatert s-a-wa dər-togdäh terše-net i-ad-itwəsəmyär isəm-net dəy-təssəba n-Yisa* Älmasex.* ²⁰Imyaret isəm n-Mässinäy-i n-Abba-nänäy härkuk. Amin!

Tihulawen

²¹Tähuuläm-in iməşseddəjän n-Yisa* Älmasex* iket-dəy-näsän, ähuulän-kəwän-in dəy ayətma wi yur-i t-əllanən diha-dəy. ²²Ähuulän-kəwän-in dəy iməşseddəjän iket-näsän, hullan wi äxdämnen dəy-əhän wa n-Qäyşär-i n-ämənokal n-äkall wa məqqārən.

²³Ija Emäli Yisa Älmasex ännuymət-net dəy-ənniyät-nəwän iket-dəy-nəwän. Amin!